



ТӨРИЙН ӨМЧИЙН БОДЛОГО, ЗОХИЦУУЛАЛТЫН ГАЗРЫН ТОГТООЛ

2023 оны 02 сарын 09 өдөр

Дугаар 35

Улаанбаатар хот

Шалгалтын мөрөөр авах арга хэмжээний тухай

Төрийн болон орон нутгийн өмчийн тухай хуулийн 11 дүгээр зүйлийн 1, 2, 66 дугаар зүйлийн 3, 4 дэх хэсгийг тус тус үндэслэн “Увс АЗЗА” төрийн өмчит хувьцаат компанийн 2021 оны санхүү, эдийн засгийн үйл ажиллагаанд хийсэн Улсын байцаагчийн баримтын шалгалтаар нийт 676.000,000 (зургаан зуун далан зургаан сая) төгрөгийн зөрчил дутагдал илэрснийг тэмдэглээд ТОГТООХ нь:

1. “Увс АЗЗА” төрийн өмчит хувьцаат компанийн санхүү, эдийн засгийн үйл ажиллагаанд хийсэн баримтын шалгалтаар илэрсэн зөрчил, дутагдлыг арилгах арга хэмжээний жагсаалтыг хавсралтаар баталсугай.

2. Төрийн өмчийн бодлого, зохицуулалтын газрын 2021 оны А-1/66 дугаартай албан даалгаврын биелэлтээр 80.1 хувь буюу “Тодорхой үр дүнд хүрсэн” байх тул дотоод хяналтыг сайжруулж дор дурдсан арга хэмжээг авч хэрэгжүүлэхийг “Увс АЗЗА” төрийн өмчит хувьцаат компанийн гүйцэтгэх захирал (Р.Төмөрчөдөр)-д үүрэг болгосугай.

2.1. Шалгалтын тайланд дурдсан зөрчил, дутагдлыг арилгах арга хэмжээний төлөвлөгөө боловсруулан хэрэгжилтийг ханган ажиллах;

2.2. “Онцгой нөхцөл бүхий хөдөлмөрийн гэрээ”-ээр олгосон эрхийн хүрээнд үйл ажиллагаагаа зохион байгуулах, эдийн засгийн үндсэн үзүүлэлт, зорилтот түвшний үзүүлэлт, хөрөнгө оруулалтын төлөвлөгөөнд тусгагдаагүй зардал, хөрөнгө оруулалтыг санхүүжүүлэхгүй, хэмнэлттэй, үр ашигтай ажиллах;

2.3. Зам, засвар арчлалтын ажилд зарцуулах бараа материалыг Нягтлан бодох болон бүртгэлийн тухай хууль болон бусад холбогдох хууль тогтоомж, норм стандарт, журмын дагуу захиран зарцуулж, хяналтын тогтолцоог бүрдүүлж ажиллах;

2.4. Компанийн үйл ажиллагааны зарцуулагдах дизель түлш, шатахуунд тавих хяналтыг сайжруулж ажиллах;

2.5. Кувейтийн сангийн хөнгөлөлттэй зээлийн хүрээнд бий болсон, 430.6 сая төгрөгийн насжилт ихтэй, өндөр дүнтэй урт хугацаат өр төлбөрийн асуудлыг шийдвэрлэх арга хэмжээ авч ажиллах;

2.6. “Зам, тээврийн хөгжлийн төв” төрийн өмчит үйлдвэрийн газраас хүлээлгэн өгсөн үнэ, үнэлгээ тодорхойгүй, цас цэвэрлэгээний болон нөхөөсний зориулалттай, 2 ширхэг тусгай зориулалт бүхий тээврийн хэрэгслийг санхүүгийн тайланд үнэлж бүртгэх талаар Зам, тээврийн хөгжлийн яам, Төрийн өмчийн асуудал эрхэлсэн төрийн захиргааны байгууллагад хүсэлт тавьж шийдвэрлүүлэх;

132001170
3-r_huraldaan.docx

3.Төрийн өмчийг эзэмшүүлэх гэрээний хэрэгжилтэд хяналт тавьж ажиллахыг Төрийн өмчийн бүртгэл, ашиглалтын хэлтэс (Д.Нарангэрэл)-т, Онцгой нөхцөл бүхий хөдөлмөрийн гэрээний биелэлтэд хяналт тавьж ажиллахыг Төрийн өмчийн удирдлага, зохицуулалтын хэлтэс (Ц.Баяр-эрдэнэ)-т нарт тус тус даалгасугай.

4.Шалгалтаар илэрсэн зөрчил, дутагдлыг арилгах арга хэмжээний төлөвлөгөөний биелэлтийг 2023 оны 2 дугаар улиралд, өссөн дүнгээр 4 дүгээр улиралд багтаан Төрийн өмчийн бодлого, зохицуулалтын газарт ирүүлэх.

5.Энэхүү тогтоолын биелэлтэд хяналт тавьж ажиллахыг Төрийн өмчийн хяналт шалгалтын хэлтэс (Ц.Түвшинзаяа)-т даалгасугай.

ДАРГА


Б.ЦЭНГЭЛ

ТӨРИЙН ӨМЧИЙН ХЯНАЛТ ШАЛГАЛТЫН
ХЭЛТСИЙН ДАРГА

Ц.ТҮВШИНЗАЯА



Төрийн өмчийн бодлого, зохицуулалтын газрын
2023 оны 6 дугаар сарын 9-ны өдрийн
9 дугаар тогтоолын хавсралт



“Увс АЗЗА” төрийн өмчит хувьцаат компанид хийсэн шалгалтаар илэрсэн зөрчил, дутагдлыг арилгах арга хэмжээний жагсаалт

Д/д	Шалгалтаар илэрсэн зөрчил, дутагдлын утга	Үнийн дүн /сая төгрөг/	Зөрчигдсөн эрхзүйн акт	Цаашид авч хэрэгжүүлэх арга хэмжээний санал
1	Баяр ёслол, бэлэг дурсгал, хөнгөлөлт олгосон	2.5	Төсвийн тухай хуулийн 6 дугаар зүйлийн 6.4.1 дэх заалт, Засгийн газрын 2021 оны 43 дугаар тогтоол	Төсвийг үр ашигтай, хэмнэлттэй байхаар төлөвлөж, зарцуулах
2	Худалдан авалтын төлөвлөгөөнд тусгаагүй худалдан авалт	357.1	Сангийн сайдын 2018 оны 281 дүгээр тушаалаар батлагдсан “Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах төлөвлөх, тайлагна журам”-ын 2.2 дахь хэсэг	Тухайн жилд худалдан авах бараа, ажил, үйлчилгээг худалдан авах
3	Худалдан авалт хийхдээ гэрээ байгуулаагүй	306.7	Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хуулийн 47 дугаар зүйлийн 8.1, 8.4 дэх заалт	Үнэлгээний хорооны даргаар хөндлөнгийн гишүүнийг томилохгүй, архивын нэгжийг бүрэн үүсгэх
4	Нэмүү өртгийн албан татвар дутуу суутган төлсөн	9.7	Нэмэгдсэн өртгийн албан татварын тухай хуулийн 16.1.1	Борлуулсан бараа, ажил, үйлчилгээнд ногдох албан татварыг албан татвар суутган төлөгч тухай бүр суутгаж авч байх
5	Компанийн үндсэн хөрөнгөд бүртгэлгүй хөрөнгө	-	Нягтлан бодох бүртгэлийн тухай хууль	Компанийн үйл ажиллагаанд ашиглаж байгаа хөрөнгийг бүртгэлд тусгах
НИЙТ ДҮН:		676.0 /зургаан зуун далан зургаан мянга/		